

Standardna radiografija

- **Šta je standardna radiografija?**

Standardna radiografija je brza i neinvazivna dijagnostička pretraga gdje se uz pomoć rendgenskog zračenja vrši snimanje pojedinih dijelova tijela.

- **Kako se pripremiti za pregled?**

Za standardnu radiografiju nije potrebna posebna priprema pacijenta.

Bitno je donijeti raniju medicinsku dokumentaciju (nalaze i snimke) vezanu za zdravstveni problem zbog kojeg se pretraga radi.

- **Da li postoji rizik po pacijenta?**

Rendgensko zračenje je štetno za organizam, ali je doza koja se koristi u dijagnostičke svrhe mala, a izloženost zračenju kraća od 1 sekunde.

Obavezno upozorite ljekara o mogućoj trudnoći, jer primjena zračenja u trudnoći može štetiti plodu. Ako planirate trudnoću, najbolje bi bilo obaviti pregled u prvih 10 dana menstrualnog ciklusa da bi se izbjeglo štetno dejstvo zračenja na eventualno početnu trudnoću.

- **Tok pregleda**

Pregled traje 10 do 15 minuta uključujući i pripremu pacijenta.

Nakon što Vas rendgen-tehničar prozove, ulazite u kabinu za presvlačenje gdje se raspripremate i pripremate za pregled. Nakon toga ulazite u prostoriju sa RTG-aparatom.

Pregled se može raditi stojeći, sjedeći ili ležeći na stolu za snimanje u zavisnosti od dijela tijela koji se snima, ali i od stanja pacijenta.

Važno je da tokom snimanja mirujete, a kad Vam se kaže, zadržite dah tokom par sekundi.

- **Šta se dešava po završetku pregleda?**

Pošto je pregled završen, ponovo idete u kabinu za presvlačenje, gdje se oblačite.

Rendgen-tehničar Vas obavještava kada će biti gotov ljekarski nalaz.

- **Kako preuzeti ljekarski nalaz?**

Radiološki izvještaj- nalaz pacijent preuzima na šalteru Kabineta za klasičnu radiologiju.